



AMDAM ØYVIND KOSTØL
POSTBOKS 113
6741 SELJE

Vår ref:

Sak: 26/8349 JpID: 26/36042 Sbh: GOL

Dykkar ref.**Dato:**

15.07.2026

Detaljregulering for Stad skipstunnel - Endring av reguleringsplan Høyring og offentlig ettersyn - Del I

Uttalefrist 11.09.2026

I sak 26/066 for Stad formannskap den 11.06.2026 fekk Plan og forvaltning fullmakt til å legge følgjande reguleringsplanar ut på høyring og offentlig ettersyn i medhald av Plan- og bygningslova § 12-10:

- Stad skipstunnel med planID. 2022010
- Lesto næringsområde med planID. 2022014
- Kjøde næringsområde med planID. 2022013

F - 26/066 Vedtak:

Stad formannskap som planmynde gjev eining for Plan og forvaltning fullmakt til å legge følgjande reguleringsplanar ut til høyring og offentlig ettersyn i medhald av Plan- og bygningslova § 12-10:

- *Stad skipstunnel med planID. 2022010*
- *Lesto næringsområde med planID. 2022014*
- *Kjøde næringsområde med planID. 2022013*

Dette høyringsbrevet omhandlar endring av Detaljregulering for Stad skipstunnel med planID 2022010.

Offentleg ettersyn

Offentleg ettersyn skal sikre at offentlege organ, naboar, interesseorganisasjonar og andre får høve til å uttale seg om planforslaget før endeleg vedtak.

Planforslaget

Stortinget har vedteke at Stad skipstunnel skal byggast og i samband med detaljprosjekteringa er det avdekka behov for å endre reguleringsplanane knytt til Stad skipstunnel for å tilpasse planane i høve detaljprosjekteringa.

Planrevisjonen for detaljregulering for Stad skipstunnel medfører endra planavgrensing. Planområde er utvida med totalt 153,7 daa for mellom anna å legge til rette for større sjøfyllingar nær portalområda. For meir informasjon, vert det vist til dokumentet

Detaljregulering for Stad skipstunnel – Endring av reguleringsplan i medhald av Plan- og bygningslova § 12.14 første ledd - Høyring og offentlig ettersyn, der hovudtrekka av planendringa er oppsummerte.

Ynskjer du meir informasjon?

Alle plandokument, tilhøyrande rapportar og vedlegg kan du finne på www.stad.kommune.no under "Sjå og gje innspel til saker på høyring". Forslag til detaljreguleringsplan, saksutgreiing og F-sak 26/066 følgjer med dette brevet.

Dersom de ønskjer ei utskrift av eitt eller fleire av dokumenta, kan de ta kontakt med Stad kommune på tlf. 57 88 58 00.

Merknader til planforslaget

Du har høve til å kome med skriftleg uttale til planforslaget. Til dømes om arealbruk, omsyn eller andre relevante opplysningar. Uttale skal merkast med «26/8349», og kan sendast via skjema på kommunen sine heimesider, per sikker digital post eller post til Stad kommune, Rådshusvegen 11, 6770 Nordfjordeid.

Frist for å kome med uttale er sett til 11.09.2026.

Vidare planprosess

Når høyringsfristen er ute, vil kommunedirektøren samanfatte innkomne uttaler og vurdere desse før planforslaget vert lagt fram for sluttbehandling og vedtak. Berørte naboar og grunneigarar vil få tilsendt kunngjering etter vedtak.

Med venleg helsing

Svein Arne Tennebø Fure
einingsleiar

Gry Otneim Leikanger
fagleiar

Dokumentet er elektronisk godkjent og har derfor ingen signatur

Ver venleg å oppgje referansenummer 26/36042 dersom du tek kontakt med oss

Vedlegg:

Detaljregulering for Stad skipstunnel - Endring av reguleringsplan i medhald av Plan- og bygningslova første ledd	1871042	15.07.2026
Reguleringsplanar knytt til Stad skipstunnel - Fullmakt frå formannskapet som planmynde	1871137	15.07.2026
A15-RAP-RIG-003 Stad skipstunnel - fylling på sjø	1871139	15.07.2026
Merknader til oppstartsvarsel_Stad skipstunnel_20.05.2026	1871140	15.07.2026
A05-NOT-YM-00010 Konsekvensvurdering utslipp av tunnelvann	1871147	15.07.2026
A269108-PLAN-NOT003_Oppstartsvarsel_Stad skipstunnel	1871148	15.07.2026